

'Mien Toentje' Ede Staal

refrein:

Mien waik schilde bonen die komen zo slecht op
en de sprutters vreten de aalbeerns op

Mien vrougen stoan dun en mien sloat schut al deur
As t zo deur gaait din wordt dat n strop

Mor mien toentje, mor mien toentje ja dij mis ik nait geern
Der is altied dieverdoatsie veur mie

Mien waik schilde bonen die komen zo slecht op
en de sprutters vreten de aalbeerns op

couplet:

Wat is mooier dan n hoeske mit n mooi lapke grond
Wat is beter dan de kunstmis ja dat wait ie, da's stront
Van n peerd en n kou, bie mien olden ook de beer
en as wie hom sneden ja din zongen wie mor weer

refrein

couplet:

Vreterij in de woddels en de eerdbijen onder t roet
Waalse bonen onder de loezen en de slakken laggen mie oet
Tutteltoanen en gruin zaip ja perbaaier t mor n keer
Wat as of wat zolt en den zingen wie mor weer

refrein

couplet:

'k Heb spinoazie ik heb roapknollen
'k heb radies en ramen
'k heb andievie en augurken en tomaten in kas
Ja zo komen wie met zien allen de winter wel deur
En ankoment joar din gait de kop ter weer veur

refrein.